

TIHTHIANGHLIMNA

KRISTAA NUNNA

Lyle W. Lange

Rev. Dr. Lal Sawi Thanga



A CHHUNGA THUTE

	Bung Thupui	Phek
	Editor Thuhma	i
	Thuhmahruai	iii
1.	BAIBULIN TIHTHIANGHLIMNA A SAWIFIAH DAN	1
2.	TIHTHIANGHLIMNA SIAM CHHUAKTU	9
3.	THIAMCHANTIRNA LEH TIHTIANGHLIMNA THU KHAIKHINNA	19
4.	THIAMCHANTIRNA LEH TIHTHIANGHLIMNA INLAICHINNA	34
5.	TIHTHIANGHLIMNA DAWNGTU KRISTIAN CHU	50
6.	TIHTHIANGHLIMNA THLENTU CHANCHIN ṬHA THU LEH SAKRAMEN	65
7.	TIHTHIANGHLIMNA NUN PAWI-MAWHNA	87
8.	TIHTHIANGHLIMNA NUN A FAMKIM LOHNA	99
9.	THIL ṬHA TIH	119
10.	THIL ṬHA TIH LEH KHUA LEH TUI NIHNA TURA FELNATE INKHINNA	143
11.	ADIAPHORA	152
12.	KRISTA NUN - KRAWS HNUAIA PAWHA BEISEINA NUN CHU	168

Sanctification: Alive in Christ by Lyle W. Lange, a volume from the *People's Bible Teachings* series copyright 2002 Northwestern Publishing House, Wauwatosa, Wisconsin, USA. Translated and distributed by WELS Multi-Language Publications Committee with the permission of NPH.

Tihthianghlimna: Kristaa Nunna lehkhabu hi Lyle W. Langea ziaak, *Mipui Baibul Zirtirna*, copyright 2002 Northwestern Publishing House, Wauwatosa, Wisconsin, USA volume tam tak zing ami pakhat a ni. NPH phalnain WELS Multi-Language Publications Kawmiti chu letlingtu leh thehdarhtu an ni.

seng lo a ni.

Pathianin a mite rinna leh hriat zauna lama than len nan leh chhandamna chungchang zirtirna, Baibul hmanga a inlarnate chu kan hriatthiam theih nan he lehkhabu hi min hmansak hram se tih hi kan tawngtaina a ni. Pathian hnenah ropuina awm rawh se.

Curtis A. Jahn
Series Editor

EDITOR THUHMA

Mipuite Baibul zirtirna tih hi Thurin bulpui chungchanga Baibul zirtirna, a indawta lehkhabu chhuak sawina a ni.

Mipuite Baibul zirtirnaina a tihchhuah tawh lehkhabute chu a bikin mipui mimirte tana ziaak a ni. Miten awlsam taka an hriat theih nan a tawngkam chu tawng tualleng, ni tina hman tlanglawn deuchte hman a ni a. Kristian thurinte hi Pathian thu atanga lak chhuah a nihdan leh mite rinna leh nunah engtianga hman tangkai tur nge a nih tih hi ziahtute hian an tilang a. A pawimawh ber chu heng lehkhabu chhuak zawng zawngtena an zirtir Pathian thute hian tarlan an tum ber chu Krista, kan chhandamtu neih chhun chanchin hi a ni.

Mipuite Baibul zirtirna atana lehkhabu buatsaihtute hi biala rawngbawl mek, pastorte leh professorte, Pathian thu thiam takte hlir an ni a. Mithiam an nih bakah mahni ngeiina a taka hriatfiahna neite an ni.

Heng lehkhabute chhuah nana kan mi tangkai professor Leroy Dobberstein, Wisconsin Lutheran Seminary, Mequon, Wisconsin, leh professor Thomas Nass, Martin Luther College, New Ulm, Minnesota, te chungah kan lawmna kan hlan a. An suangtuah thiamna leh an mi puihna hlutzia hi kan sawi

THUHMAHRUAI

Zalenna chu eng ang nge ni? Nangmah leh mi dangte tana thu hnu tur pawh dawn lova duh apiang tih emaw, sawi emaw a ni em? Tisa chakna bawiha tanna a ni mai lovang maw? Zalenna dik tak chu Kristaah chauh hmuh theih a ni. A dan kan bawhchhiat avanga Pathianin thiam loh min chantirna laka zalenna a ni. Hlahna tel lo leh thianglimna nun nena Pathian rawngbawl tura zalenna a ni.

Pathian chu a thianglim a. Thil dik leh tha chauh a duh a ni. Thil sual a ti thei lo. Pathianin sual vanga khawlohna tel lovin Evi leh Adamate chu a siam a. An hnenah ama duhzawng chauh tih duhna thinlung a pe a. Thil dik leh tha tih theihna a pe a. An thinlung zawng zawngin Pathian an hmangaih a, hmangaihna famkimin an inhmangaih tawn bawh a. Chu an nun, hmangaihna thianglim nun chuan an siamtu hmangaihna a lan chhuahtir a.

Vanduaithlak takin Evi leh Adamate chuan chu malsawmna chu an lo titawp ta hlah mai a. Pathian thununna laka zalen chu an tan a tha zawng ang tia Setana bumnaah chuan an lo tlu ta a. Pathian an dodal avangin vanduaina rapthlak tak mai chuan mihring thlah pumpui chu a fan chhuak ta a ni. Sual avangin

Pathian chu an hmangaih tur angin an hmangaih theih loh rualin anmahni pawh an inhmangaih tur angin an inhmangaih thei ta lo bawh a. An nun, tun hmaa Pathian hmangaihna hlu tak mai lanchhuahtirtu ni thin kha sual avanga khawlohna rapthlak entirtu a lo ni ta a ni. Chu khawlohna chu an paltlang a, hring nun pumpuiah bawhchhiatna a lo thleng ta a ni.

Pathian chu akaraw lo tla lo ta sela chu, mihringte hi sual bawihah kan tang kumkhua dawn a ni. Pathianin misualte a hmangaih avangin sual bawih ata kan chhuahtir theih nan a tiam tawh ang ngeiin a Fapa a rawn tir ta a. Kan rinna kal tlangin leh Krista felna avangin Pathian mithmuhah mifel kan lo ni ta a ni. Chanchin tha thiltitheihna tanging Pathianin sual bawih ata min chhuahtir a, nun thar nena a rawngbawl thei turin theihna min pe a. Krista rinnaa kan nun chu Pathian hmangaihna puang chhuaktu an lo ni ta a ni.

Chu tak chu kan thianglimna nun atana Pathian duhzawng chu a ni. He Trinity Pathian duh dan thianglim hi history hun tluana thianglim lo Trinity-Setana, rin lohna khawvel leh sualpu taksatena an lo do kumkhua chu a ni a. Setana chuan suala min hruai luh leh min rinhlehtir hi a tum ber a ni a. Rin lohna khawvel pawh chuan Pathian duhzawng zawm thei lo turin min lo humhalh ve bawh a. Suala tlu tur leh ring lo turin min bei a. Pathian duhzawng kan zawm theih lohna turin tihduhdahnate hmanga mi tihthaih a tum a. Kan sual pu taksa lah chu Pathian duh dan nen an lo indo ve reng mai bawh a.

Hun zawng zawnga ringtute chu Pathian ring lo mi, an rinna hmusit leh elreltute kara khawsa an ni a. Chutichung pawh chuan Pathian chuan nun thianglima nung turin min la phut ta cheu a ni. Kan nun hian mite chu Krista zir tura hruai turin min duh tlat a ni.

Thuthlung Hlui hunah pawh khan Pathianin Israel mite nih dan tura a duh chu hei tho hi a ni. Lalpa chuan Israel mite hnenah tihian a sawi a: "Chuvangin ka thupekte hi in pawmin in zawm tur a ni. Kei hi Lalpa chu ka ni. Ka hming thianglim hi in tihliau tur a ni lova, Israela thlahte zingah chawimawiin ka awm tur a ni. Kei hi nangmahni chawimawitu, in Pathian ni tura Aigupta ram ata hruai chhuaktu che u ka ni. Kei hi Lalpa chu ka ni," (Leviticus 22:31-33). Israel mipuite chu Kananah khan ring lo mite karah an khawsa a. Kanan ho chu nun hrawmhraw tak mai, nun dan tha lo leh hurnate nena milem be thin an ni a. Pathianin Israelte chu Kanan ho chim buaina laka inthiar fihlim turin a duh a. A mite chu Jentail hnamte zinga eng ni turin a duh tlat bawk a. Hmun sanga meichher eng ang maia Chhandamtu lo kal huna hnamte hruaitu ni turin a duh a. Mahse a mi thlante chuan an vela mite zingah meichher eng anga vawi tam tak a rawng an bawl loh thu Thuthlung Hlui bu chuan a sawi a. Chutianga awm ahnehin an vela soal thimna chuan a khuh bo zawk thin a ni.

Lal Isuan Chanchin Tha eng nena a tirh chhuah hmasak ber a zirtirte pawh kha soal thim leh rin lohnaina khuh bovin an awm a. Paula chuan Rom mite hnenah tihian a ziak a; "He khawvel dan ang hian awm suh ula, Pathian duhzawng a tha leh lawm tlak leh that famkim chu in hriatfiah theih nan, in rilru a thara awmin lo danglam zawk rawh u." Paula hun lai chuan Rom hi tuichhe luan kawra bawlhhlawh tlin khawlina li anga ngaih a ni. A ram awp chhunga سوالنا zawng zawng infinkhawmna anga ngaih a ni. Paulan a hun laia mite hnena a sawi a ni lo. "Roma i awm chuan Rom mite tihdan angin ti ve rawh." Rom Kristiante chu Pathianin soal lakah a zalentir tawh a ni tiin a hrilh nawn thin zawk a ni. Pathian ropuina atan nun thianglima nung tura tihdanglam an ni a. Soal kalsana fel taka

nung tur an ni. An nun chuan mite chu Isua chanchin zir turin a hip tur a ni.

Vawiina kan khawvel hi engang nge a nih le? Kan chenna society hi kan rinna leh kan nun atan thil tha tihna hmun a ni em le? Ni lo. Keini pawh hi Pathian ring lo mite khawvela cheng kan ni e. Milem biaknate, ruih theih thil chinte, mipat hmeichhiatna hman zalen lutukte, tharum thawhnaa dik lote, nau tih tlakte, hring nun pawisak lohnate, Pathian thupek pawisak lohnate --- an vai hian kan society chhungah an lo tlangnel zo ta a. Heng khawvel lam kawngte zawm hi Pathianin rem a ti lova. Fel tak leh thianglim taka a rawng bawl turin min tidanglam tawh a. Ephesi khuaa mite hnena Paula lehkha thawn angin Pathianin kan hnenah a sawi a ni: "A kohna che u phua awm turin, kei Lalpaa mi tang hian ka ngen a che u" (Ephesi 4:1). Isua chanchin tha hmanga mite chu hip thei tura nung turin Pathianin min duh a ni.

Nun thianglim tih chu enge ni? Kristian tihthianglimna nun chu khawi atanga siam nge? Paula chuan, "Pathian ngaihsak anna an nei ang a, nimahsela a thiltihtheihna chu an awih lo vang" titute chu a zilh a. Thianglima lang nazawng chungah Pathian a lawm lo. Mihring dana a hming leka zawm avangin Pathian a lawm lo. Chu ai mahin chhia leh tha hriatna phur a tirit a, mite thlarau chu a hruai bo zawk thin a ni. A kohna phua nun chu eng ang nun hi nge a nih tih Pathian chauhin a sawi thei a. Mi tumah, eng Kohhran mah, eng Pathian thu thiam mah, eng Kohhran mi pawimawh mahin Kristian nun chu engtianga din nge a nih an sawi thei lo. Pathian chauhin a sawi thei a ni. A thuah chuan kan Lalpa chuan Kristian tihthianglimna nun chu engtianga siam nge a ni tih a sawi a. Chanchin Tha hmangin Lalpa chuan tihthianglimna nuna nung thei tura chakna a pe chhuak a ni.

Tihthianglimna: Kristaa Nunna

A khawngaihna chhang let thei tura kan nun dan tur Pathianin min zirtir chu Baibulah kan hmu thei a. A thu chu dik taka zirtir a, a thu ang chuan nung a, a hming chu kan tihropui theih nan he tihthianglimna nun zirtirna hi Pathianin mal min sawm sak rawh se.

BUNG 1

BAIBULIN TIHTHIANGHLIMNA A SAWIFIAH DAN

Tihthianglimna chu enge ni? Baibul chuan tihthianglimna chu kawng hnihin a thliar hrang a. Tihthianglimna chu a zau zawng leh a zim zawngin a tarlang a. A zau zawnga sawinaah chuan misualte tana Pathian Thlarau Thianghlim hnathawh zawng zawng a huap a. A hnuai mi ang hian: chhandam ni tura chatuana mi thlante kan ni a. A hun takah chuan kan sualte laka min tlan turin a Fapa a rawn tir a. Isua Chanchin Tha leh baptisma hmangin, Thlarau Thianghlim hnathawhin Isua ring turin min hruai a. Chanchin Tha leh Sakramen hmanga chatuan nunnaa kan luh theih nan rinaah min hum tlat a. A zau zawnga Baibulin tihthianglimna a sawi chuan heng zawng zawng hi a huap a ni.

A zau zawnga tihthianglimna chu, nun thar neitu Kristian chu khawngaihnaah chuan mawhphurhna mahnia la thei tura Pathianin chakna a pek thu tarlanna a ni a. Pathian chuan ring turin min hip a, thlarau nun min pe a, Pathian nunin min nun tir a. A zau zawnga tihthianglimna nun thar neitu Kristian chu

in tihthianglimna nun an kawhtir ber chu a ni a. He lehkhabu hian a sawi tum dan tam zawk chu a ni.

A zau zawng leh a zim zawnga Baibulin tihthianglimna thu a sawi dan chu lo en ila. Baibul chuan tihthianglimna thu awmzia chu kan hriatthiam theih nan min then hran sak ngei a. Tunah a zau zawnga tihthianglimna chu kan en hmasa ang. Pathian lehkhabu kan en hmain tihthianglimna thu sawina atana a tawng hman bulpui tak chu chhinchhiah ila. NIV letlingtute chuan tihthianglimna tih tak hi an hmaih a. Tehkhinnaa he lam hawi sawinaah pawh tihthianglim tih hi chu an hmaih tho mai. Tun atanga chuan Pathian lehkhabu thu kan tarlan pawhin tihthianglimna tih leh thianghlimnate chu kual khung chhungah kan dah zel ang tih hi chhiartute inralrin nan kan sawisa duh a ni.

A zau zawnga tihthianglimnaah chuan Pathian hnathawh zawng zawng chu misualte chhandam nan a ni

Asia Minora Kristian Pathian thlan awm darhte hnenah chuan Peteran heti hian a sawi a: "Pa Pathian hriat lawk anga thlan, Isua Krista thu awih tur leh a thisena tlen fai tura Thlarau Thianghlim (tithianghlim) in ni si a (1 Petera 1:1-2). Petera chuan a thu chhiartute chu anmahni chhandamna tura Pathian hnathawh zawng zawng chu a hriat chhuahtir a. Ama tan chatuana a mi thlante an ni. Krista chu rinnaa a thu an awih theihna tura pui turin Thlarau Thianghlim a tir a. Kristan a nunna thianghlima a hnehsak tawh felna famkim chu Isua rin avanga an chan theih nan. An soal bawlhhlawhte chu Isua thisena silfai a ni a. Hetianga Isua Krista hnathawh Thlarau Thianghlim a pek Kristiante chhandamna hi Petera chuan, "Thlarau hnathawh tihthianglimna" a ti a ni.

Chumi anpui chu Paula chuan Thessalonika mite hnenah heti hian a ziak a. "Thlarauva tihthianghlim, thutak ring tur leh

rah hmasa atan chhandam turin Pathianin a thlang che u a ni" tiin (2 Thes. 2:13). Kristianten an lo ring ta hi tihpalh thil a ni lo. A hma aṅang rengin Pathianin ama tan a lo thlang tawh a ni. A hun a thlen chuan Isua an rin theih nan Thlarau Thianghlim a tir a. Thlarau Thianghlim a tirh hnathawh hmanga Thessalonika mite rin vanga chhandam an lo nihna chu Paula chuan, "Thlarau tihthianghlim" a ti a ni.

Baibul hmun dangah pawh misualte chhandamna tura Pathian hnathawh zawng zawngte sawi fiah nan tihthianghlimna tih chu hman a ni a. Lal Agrippa hnenah Paula thu sawi kha ngaihtuah la. Paula chuan Juda hnam ni ve lote hnenah chanchin ṭha hril tura Isuan a tirh thu a sawi a. Isuan Paula hnenah, "Mi zawng zawng leh Jentailte kut ata ka chhanhim ang che; an mit tivar turin an hnenah ka tirh che hi, chutichuan thim chu êng lamah an hawisan ang a, Setana thuneihna chu Pathian lamah an hawisan ang soal ngaihnhathiamna an hmuh nan leh mi rin avanga thianghlim tawhte zinga ro chan an neih nan" a ti a (Tirkkohte 26:17-18). "Rin vanga tihthianghlimna" chu, Isuan a nunnaa a hneh felna te, thihna leh thawhlehnate chu rinnaa lo dawn tihna a ni.

Chutiang bawh chu Paulan Ephesi mite hnenah a ziaak a. "Kohhran chu thu leh tuia sil faia tihthianghlim turin Krista chu amah a inpe a. Kohhran ropui tak, zur lo, kaidum awm lo leh chutiang thil bawlhhlawh kai lo, thianghlim leh hmelmhem lo ama tana din turin a inpe a ni" tiin (Ephesi 5:25-27). Hetah hian thil Chiang tak chu, Pathian hnenah chuan keimahni theihna hmanga thianghlim kan ni lo tih hi a ni. Amaherawhchu, Pathian chuan mi thianghlimah min chhiar a, a chhan chu kan soal kaidumte chu baptisma hmanga min sil fai vang a ni. Baptisma chu Pathianin ring tura min buatsaih nan a hmang a. Rinna avangin Isua felnain min thuan a ni.

He lai thu aṅang hian Baibul chuan tihthianghlimna chu Pathianin misualte chhandamna tura a hnathawh zawng

zawngte sawi nan a hmang a nih tih a Chiang a. Pathian chuan Isua ring tuin min buatsaih a, rin vangin Krista felnain min thuan a, rinnaah chuan chatuan nun chang turin min vawng ṭha a. Martin Luthera chuan Apostolte thurin bung thumna thua Pathian hnathawh a sawifiahnaah chuan: "Thlarau Thianghlim chuan, Chanchin ṭhain min kova, a thilpekin min tiêng a, rinna dik takah chuan min tihthianghlimin min vawng ṭha a. Chutiang bawkin khawvela Kristian zawng zawngte chu a kova, a huikhawm a, a chhun êng a, a tithianghlim a, Isua Krista rinna pakhat dik takah chuan a vawng ṭha a ni" tiin a sawi fiah a.

Luthera chuan he thu a sawi fiahna hi Large Catechism an tiha Thu inChhang a sawifiahnaah chuan, "Fapa chuan a pianna, thihna leh thawhlehnah min leii thuneihna a chang a. Chutiang zelin Thlarau Thianghlim chuan tihthianghlim kan nihna chu Kristian Kohhrana mi thianghlimte inpawlnate, soal ngaihdamnate, taksa thawhlehna leh chatuan nunnate hmangin a siam chhuak a. Chuvangin tihthianghlimna chu, Krista min hnaitirin a malsawmna (soal ngaihdamna) kan chan bakah keimahni theihna mai chuan tih theih rual a ni lo" tiin.

Tihthianghlimna a zin zawnga chhuina chu Isua rinnaa nung tura Pathianin Kristiante nun thar a pekna chu a ni

Baibul chuan tihthianghlimna chu Isua rinna nung tura Pathianin Kristiante nun ṭha a pek thu sawi nan a hmang a. He nun thar hi a zim zawnga tihthianghlimna thu sawina kan tih chu a ni. A zim zawng kan tih chuan sawifiahna ṭawngkam chu bithliah chin nei ṭawngkam hman a nih dan sawina a ni. Kristian zirtirnaah chuan tihthianghlimna chu, Isua rinna avanga nung thei tura Pathianin nun a pekna thu sawina a ni deuh ber.

Kristaa nun thar kan neih thu kan en hmain eng ang nun aṅangin nge Kristan min chhandam tih hi lo en hmasa ila. Chu nun chu Pathian dan aṅangin kan zir ang a.

Pathian dan chuan darthlalang angin a thawk a. Pianphunga mi zawng zawngte nihna chu chiang takin a tilang thin a ni. Pathian anpui danina min lantir hmel chu a mawi lo hle a. Mipuite chuan Pathian danina an chungchang a sawi chu hriat an duh lova. Pianphungah chuan mipuite chuan infiamna milem zinga pakhat, a chhe lai apiang paih kian ang hi nih an duh a. Mahni chu thaa inngaih an duh theuh a. Pianphung renga Pathian tilawmtheitu nih an duh vek baw a. Amaherawhchu an piantirh atanga mihring nih dan tur Baibul sawi dan chu, chutiang milem tar ang chu a ni si lova.

Baibul chuan mihring chu pianken rengah chuan suala thi, Pathian hmelma, Setana sal tang niin a sawi a. Paulan Ephesi mite hnenah, "Hmanah chuan in bawhchhiat leh in sualte avangin thi in ni. Chutih lai chuan he khawvel dan hian in khawsa a, boruaka thuneitute lal, awih lote chung a tuna thawk mek thlarau thu thua in awm kha" a ti a (Ephesi 2:1-2). Pum chhungah naute pai tan an lo nihin taksa nunin bul an tan a. Taksa chu nung mah se, thlarauvah chuan mi zawng zawng suala thi an ni a. Mahni inchhandam turin engmah tih theih an nei lo. Mi tuemaw chuan kuang atanga mitthi ruang a lo chhuah theih chuan tangka maktaduai khat lai pek a phal a, a tangka chu a him ngei ang. Tangka chu enganga itawm pawh nise, mitthi ruang chuan engtin mah a chhang thei chuang lovang. Mitthi chuan chhan let theih engmah a nei si lo va. Chutiang baw chuan Pathianin chanchin thaa chhandamna chu a pekin a pe tawp a. Pian ken reng atang chuan chu thil pek chu tuman an dawng thei lo. Pianken rengah chuan thlarau nun atana mihringin thil a tih theih lohzia chu chutiang chiah chu a ni.

Mi zawng zawng chu nihphung rengah sualah an thi chauh pawh ni lovin, thiltihah pawh Pathian hmelma an ni vek a. Mite chuan Pathian thupek zawm aiin Setana duhzawng tih an thlang zawk a. Paula chuan, "Tisa duhzawng chuan Pathian a do va, Pathian dan a zawm si lova, zawm pawh a zawm thei

hek lo: chuvangin tisa duhzawng anga awmte chuan Pathian an tilawm thei lo" a ti a (Rom 8:7-8). Pathian chuan, "Hei hi ti rawh" a ti a. Mihring pianken chuan, "I kawng lam chu ka ti duh lo" a ti a. Pathianin, " Hei hi chu ti suh" a ti a, mihring pianken chuan, "Ka tih duh chu ka ti ang" a ti a.

He thlarauva helna rah, chhungrila ngaihtuahnate, thu sawi leh thiltithe chu Pathian duhzawng nen an inkalh a, nun dan thianghlim lo a hring a. Paula chuan mipuia helna hnathawh chu hetiang hian a sawi a. "Tisa mite thiltih chu a lang chiang a ni, inngaihna te, bawlhhlawhna te, hurna te, milem biakna te, dawit te, inhuat te, innghirnghona te, thikna te, thinchhiatna te, mahni hmasial te, intihdarh te, inthen te, itsikna te, zu ruih chin te, zu hmun hlimna te leh chutiang chi chu" (Galatia 5:19-21).

Mipuite chuan Pathian tana hna an thawh loh chuan heng Paula sawi nun dan thianghlim lovahte hian an awm reng ang a. Thlarau Thianghlim chuan chanchin tha hmangin rinna a siam a. Mipui chu thilung thar, rilru thar leh a kaihhruiaina hriatthiam theihnate nen a siam thar a, nun thara nun theihna a pe a. Chutianga Isua rin avanga nun thara nung thei tura Thlarau Thianghlim hnathawh chu Baibul chuan tihthianghlimna a ti a ni.

Anmahnia Pathian hnathawh avangin Kristiante chuan khawvel dan chu an zawm tawh lova. Tihdanglam an nih tawh avangin Paula chuan, "Chuvangin unaute u, Pathian khawngaihna avang hian, inthawina nung leh thianghlim, Pathian lawm tlak ni turin in taksa chu a hnena hlan turin ka ngen a che u. Chu chu in rawngbawlina awm reng a ni si a ... in rilru a thar awmin lo danglam zawk tawh rawh u" a ti a (Rom 12:1-2). Kristian chuan Kristaa Pathian zahngaihna chu hre rengin lawm takin Pathian rawng a bawl thin a ni.

Krista ring thei tura a lama min hip hi Pathian thil tum a ni

a. Nun thianghlina a rawng kan bawl theih nan min chhandam a. Paula chuan, "Pathian duh zawng, in thianghlina tur chu hei hi a ni. Pathianin bawlhhlawh turin min ko si lova, thianghlina min ko zawk a ni" a ti a (1 Thessalonika 4:3-7). Paula chuan hurna lakahte inthiarfihlim turin a fuih a. Tihthianghlimin in awm tur a ni tih chu "thianghlim taka nung" tihna a ni a. Chu rilru bawp puin Paula chuan Korinth mite hnenah heti hian a ziaak a: "Chutichuan duh takte u, chung thutiam chu kan neih avangin, tisa leh thlarau bawlhhlawhna zawng zawngah i intifai ang u, Pathian tih dek chung a thianghlina tihfamkimin" a ti a (2 Korinth 7:1). Paula chuan Korinth khuaa mite chu, nun thianghlim an neih chu Pathian rawngbawl nan hmang chhuak turin a fuih a ni.

A khaikhawmna atan chuan, kan rin hmaa kan nun hlui chu kalsan a, Pathian min koh chhan nun thara nung tura beisei tlat kan ni tih hi a ni. Paula chuan heng nun hlui leh nun thar khaikhawmnate hi Ephesi bung 4 leh bung 5 ahte hian a ziaak a. Hetah hian tisa thiltih sualte chu hlip a, mihring thara inthuan turin min hrilh a. A hnuaiah hian ring lote mihringhlui leh Isua ringtu nun tharte khaikhin a ni a.

Nun hlui hnawl	Nun thara nung
Dawt sawi (4:25)	Thutak sawi (4:25)
Mi dangte ta ruksak (4:28)	Dik taka thawka mi dangte tawmpui (4:28)
Mi dangte lungchhiatna thu tha lo sawi (4:29)	Mi dangte thatna tur thu tha sawi (4:29)
Khaknate, thinurnate tauhnate, annate sawi chhiatna zawng zawngte (4:31)	Inkhawngaih tawna lainatna neiin, Pathianin Kristaa a ngaidam anga inngaihdam tawnin (4:31)
Inngaih leh bawlhhlawh, duhamna, zahmawh, thu atthlak sawi, thu lawilo fiamthu (5:3-4)	Hmangaihna thianghlina nung a, lawmthu hril zelin (5:3-4)

Sual, thim chu lantira thim thiltithe tih (5:8-11)	Ênga awm a, thil tha tih a, mi dangte Isua hnena hruai (5:8-9)
Uain ruia awm (5:18) Nawmsak bawl luat taksa (5:18)	Thlarauva khah (5:18) Fakna hlate, Pathian hlate, thlarau lam hlatea inbe tawin, Lalpa chu thinlunga hla sak sakin, Pathian, Pa hnena engkim chung a lawmthu hril (5:19-20)

Thlarau Thianghlim chuan Krista ring turin min hip a, rinnah chuan chatuan nun chang turin min vawng tha tlat dawn a ni (tihthianghlina a zau zawngah chuan). Kristaah chuan nun thara nung thei turin min hruai a (tihthianghlina a zim zawngah). Heng tihthianghlimnate hi a pahnih hian Pathian hnathawh a ni a. Mawhphurhna zawng zawng aman a la vek a ni tih chu bung dangah kan hmu leh dawn a ni.

BUNG 2

TIHTHIANGHLIMNA SIAM CHHUAKTU

A zau zawnga tihthianglimna chuan misualte tana Pathian damna hnathawh zawng zawng a huap vek a. Pathian chuan ama tan chatuanah min thlang a. A hun takah chuan chhandamna chu kan tana tinghet turin Fapa chu arawn tir. Pathian chuan chanchin tha leh baptisma hmangin a hnenah min hruai a. Mi zawng zawng tana Isua hnehna, felna leh sual ngaihdamna chu keimahni ngeiin kan chang a. Chanchin Tha leh Sakramen hmangin Thlarau Thianghlim chuan rinna tak takah chuan chatuan nunna chang turin min humhim tlat a ni.

Kan chhandamna chu a bul aṅanga a tawp thlengin Pathianin mawhphurhna a la a. A hun bia lo thlen hma aṅang rengin aman min thlang a. Hun tawp a lo thlen thlengin khawngaihna hnar (Chanchin Tha thu leh Sakramen, Baptisma leh Lalpa Zanriah) te hmangin Krista rinna avang chuan chatuana nun nei turin min vawng tha tlat dawn a ni. Kan chhandamna bul chungchang Petera chuan heti hian a sawi a. "Awih tur leh Isua Krista thisen theh dawng tura Thlarau tihhran a, Pa Pathian hriat lawk anga thlante hnenah chuan" tiin (1 Petera 1:1-2). Chhandamna famkin atana Pathian hnathawh chu Paulan heti hian a ziak a: "Nangmahnia thil tha tiṅantu khan Isua Krista nī thlengin a tifamkim zel dawn" tiin (Philipi 1:6). Pathian chuan

rinna hna chu keimahniah a thawk ta a. A hnathawh chu a bansan ngai lovang. Vanah ama hmaa kan din thlengin Isua rinnaah chuan min venghim tlat dawn a ni.

Min ven himna mawh zawng zawng Pathianin a phur

Kan chhandamna atana mawh zawng zawng chu Pathianin a phur vek a. Mihring beihna, mihring hnathawh leh mihring hlutna tel lova chhandamna chu Baibul min zirtir dan a ni (tihthianglimna huap zauvah). Hei hi a ni lawmna sawi hleih theih loh chu. Kan thiltih hi kan chhandamna tur chu ni sela, engtikah mah himna tak tak kan nei lo ang a, that famkimna tur chuan enge tih tur tih kan hre hek lovang. Mahse kan chhandamna tura hna zawng zawng chu Pathian thawh vek leh a hnathawh zawh tawha inngat a nih avangin, chhandamna thua kan Chiang thei a ni. Paula chuan he rinna ataka lan chianna hi Thessalonika khuaa mite tan a ṅawngṅainaah a tar lang a: "Remna Pathian ngei chuan in pumin tithianghlim che u sela, kan Lalpa Isua lo kal hunah chuan in thlarau leh in rilru leh in taksa a puma sawisel bovin awmtir rawh se. A kotu che u chu a rinawm a, tih pawh a ti ngei ang" tiin (1 Thessalonika 5:23-24).

Chhandamna atan mihring thatna chu hnawl a ni tih hi uar taka sawi tur a ni a (tihthianghlimna huap zauvah). Tluk hnu aṅang chuan mihring pianken chuan kan thiltih theih chhunte chu inngah nan hmangin Pathian tilungawi tur leh van ram kai nan hman a tum reng a. Mahse, Baibul chuan engtikawng pawhin kan chhandamna atan tih theih kan nei lo tih hi Chiang takin a sawi a ni. "Chatuan lungpui" tih hla ziaktu Augustus Toplady (1740-1778) chuan tha takin a tar lang a:

Ka kuta thawh ni lovin,

I danin a phutte tifamkim turin;

Chawlh pawh awm lo thahnamngaihna nen,
 Ka mittuite chu a luang reng a;
 Sual lakah a tlan thei si lo,
 Nangmah chauhvvin i chhandam tur a ni.

(Lutheran Hymnal 389:2)

Mihring thiltih chu kan chhandamna atan hnawl a ni a. A hmasa berah Baibul chuan, mihring nihna chuan Pathian danin a phutte chu a zawm thei lo tih chiang takin a sawi a. Mite chuan an tih that theih ang bera an tih chuan Pathian a lungawi ang tih ngaihdan an nei a. Khawvela mi dangte an han en a, anmahni aia sualte an hmu a, mi dangte aia thaah an inngaia an lawm hle thin.

Kristiante chu he ngaihdan lakah hian an inthiarfihlim thei lo. Mahni ngaihdana thil fel titu Adama hmasa (pianken renga sual) chu kan nei theuh va. Raphlak taka dan bawhchhetu te, mipat hmeichhiatna lama nasa taka inhmangte leh ruih theih thil lama khawlo taka inhmangte chanchinte kan hria a. "A tha e, Lalpa, tha famkim kher lo mah ila, mi dang ka mi hriat tlem azawngte ai chuan ka tha zawk tih ka hre si a" kan ti thin.

Chhinchhiah tur pawimawh tak chu, khawvela mi dangte nen kan inkhaikhinna ang hian Pathianin thu a titlu ve lo tih hi a ni. Mi dangte aia thil kan tih that avangin Pathian chuan van ramah min hrui dawn lova. Pathian chuan mi zawng zawng hi a thupek zaa za zawm famkim turin a phut lo. Famkimna tura thupekte chu engtinngan kan zawm tihah hian ro min relsak ang a, mi dangte nena kan inkhaikhinaah chuan ro min relsak lovang.

Tlang chung a sermon-ah chuan (Mathaia 5-7) Pharisaite chu pawn lam thatna ringawta thu pek zawm chungchangah an nihna a hailan sak a. Pawn lam thila a langah chuan Pathian

duhzawng zawm angin an lang a, an thinlung erawh chu Pathian lamah a hla hle si a. Pathian danin a tum tak chu nun leh thinlung a huap ve ve a. Isuan a puan dan chu, "In Pa vana mi a tha famkim angin nangni pawh in tha famkim tur a ni" tih hi a ni (Mathaia 5:48). Rilru ngaihtuahna, thu leh thiltihah Pathian chuan "Famkim turin" a ti a. A awmzia chu, kan thinlung ngaihtuahna zawng zawng, kan thinlung duhna zawng zawngte hi Pathian duh dan nen a inmil vek tur a ni a. Thinlunga kan ngaihtuah zawng zawng pawh hi Pathian dan famkim hmangaihna nen a inmil thlap tur a ni tihna a ni. Kawng engkimah Pathian dan thupek chauh lo chu kan ka atangin a chhuak tur a ni lova. A thil khapte chu kan ti ngam lo ang a, a thupek te chu kan hmaih ngam tur a ni hek lo.

Famkimna nen lo chuan kan Pathian thianghlim thil phut chu kan hmachhawn ngam dawn lova. Jakoba chuan, "Tupawhin dan zawm kim mahsela, kawng khata a tihsual si chuan a zaah chuan thiam loh changin a awm tawh a ni" a ti a (2:10). Dan chu pum khat ang a ni a. Balun chu hriau pakhata chhun zeuh pawha a thep vek thei ang hian sual pakhat chauhvvin Pathian dan pumpui a bawhchhe vek thei a ni.

Pathian dana ropui ber, dan zawng zawng Isuan a khaikhawmna chu, "Lalpa i Pathian chu i thinlung zawng zawngin, i thlarau zawng zawngin, i rilru zawng zawngin i hmangaih tur a ni. Nangmah i inhmangaih angin i vengte i hmangaih tur a ni" tih hi a ni a (Mathaia 22:37-39). Chumi hrulah chuan Paula chuan, "Hmangaihna hi dan zawm famkimna a ni" a ti a (Rom 13:10). Hmangaihnaa tih, hmangaihnaa ngaihtuah, hmangaihnaa sawi tihte hi amah hmangaih tur leh mi dangte hmangaih tura min phuttu Pathian thianghlim hmaa thiam loh min chantirtu a ni.

Heng Pathian min phut dan te hi engtin nge kan tlin theih ang? Awlsam tea chhan chuan Pathianin kan zawm tur a tih

chu kan tlin thei lo. Mi zawng zawngin kan zawm thei lo vek a, Pathian duhzawng tih tur chu thil lungngaihthlak tak a ni. Mite chu an pian tih phat aṅang rengin Pathian duh dan angin an awm tawh lova. Davida chuan hetiang hian a puang a. "Khawlohnaa dinin ka awm a, ka nun سوالين mi pai a" tiin (Sam 51:5). Kan ngaihtuah zui zel chuan Pathian phut felna leh thianglimna chu kan tlachham hrim hrim a. Tisa chakna kan nei tlat a ni. Kan duhna pawh hi Adamaa kan ro chun sualnain a tikhawloh vek tawh a ni a. Chu khawlohna chu, kan thiltihah te, thu sawi leh ngaihtuahnaah te Pathian duhzawng nen a inan loh êm êmnaahte hian a lang a ni. Pathian phut ang chu tuman an tlin lova. Chu chu Rom mite hnena a lehkha thawnah chiang takin Paulan a sawi a: "Juda leh Grikte chu soal bawihawm vekah tun hma lam pawha kan puh tawh kha. Tumah mi fel tak reng an awm lo. Pakhat mah an awm hauh lo. Tumah hre thiam reng an awm lo, tumah Pathian zawng reng an awm lo. Mi zawng zawngin thil an tisual tawh vek a, Pathian ropuina an chang zo ta lo a ni" tiin (Rom 3:9-12,23).

Mihring chuan Pathianin a phut dan chu a tlin theih loh avangin, kan chhandamna mawh zawng zawng chu Pathian chauhvinn mawh a phur a. Mi pakhatin ni khatah soal pakhat zel ti ta sela, kum 70 ah chuan soal 25000 a ti dawn tihna a ni. Kan zingah hian ni khatah soal pakhat chauh ka ti tunge tingam ang? A nih loh vek leh Sam 19:12 ang hian mahni inpuang ila: "Tuin nge mahni tihualte hre thei ang? Soal inthupte lakah hian mi tifa ang che" tiin.

Kan chhandamna tura Pathian chauh ropuina kan pekna tur chhan pakhat a la awm. Adama leh Evite an sualna Pathian laka an hel lai khan Pathian hnenah ṅanpuina an dil lova. A chhan chu kan chhandamna atana mawhphurtu chu Pathian chauh a ni tih Baibulin zirtir vang a ni.

Pathian chuan misualte chhandamna mawh hi lo la ta lo

sela chu tih lohvin a awm reng ang. Adama leh Evite an سوال Pathian hmelma an nih lai khan Pathian hnena kalin ṅanpuin an dil lo. An biruksan zawk a ni. Pathianin anmahni a zawng chhuak a. Tlu hnu mihringte tan chhandamtu pek amahin a tiam a ni. Chuvangin kan chhandamna chu amah Pathian aṅang chauhvinn a ni a, a thukzia chhut phak rual loh misualte a hmangaihna mak tak avang chuan a ni.

Mi zawng zawng sualte tlanna tura a Fapa khawvela rawn tirtu chu Pathian a ni a. Kan zinga mi pakhat lo ni tura vana lal ṅhutthleng kalsana khawvel soal rawn luhchiltu chu Pathian Fapa a ni. Isua chu soal nei lova lo piang a nih avangin kan pianpuin soal leh ngaihtuahna soal lak ata min tlan thei a. Isua chuan mihring nun kawng rahbi tinreng a rap kim vek a. Kan sualte avanga thiam loh channa chu phurin Kalvari Krawsah khenbehin a awm a. Pathian chuan khawvel thiam a chantir tih (misualte chu thil tisual lovah a puang) a, a chhan chu ama Fapa ngei chu mi zawng zawng tana a hlan vang a ni. Isua inhlanna chu a thawk zova, Isua chu tlukna ata Pathianin a kai tho leh a ni tih kan hriat chian theih nan.

Krista hnathawh chu tifankim tur emaw, belhchhah turin emaw kan theih engmah a awm lova. "A kin ta" tiin Krawsah a puang a (Johana 19:30). Chhandamna chu a famkim tawh a. Isuan a ti zo vek tawh. Hebrai ziaktuin, "Chumi duhzawng chuan Isua Krista taksa vawi khata hlan nghal avang khan tihthianglimin kan awm ta. Puithiam tinrengin kawla ni chhuak chhiara rawngbawlin, sualte engtik maha tibo thei lo inthawina pangngai hlan fovin an ding ṅhin. Ani erawh chuan chatuan atan sualte tana inthawina pakhat chauh a hlan hnuin, Pathian dinglamah a han ṅhu ta zawk a. Chuta chin chu a hmelmate a kephah nghahchhana siam an nih hma loh zawng a nghak reng si a. Thil hlan pakhat chauhvinn tihthianglim tawhte chu chatuan atan a tithianglim tawh si a (Hebrai 10:10-14).

Kan sualte laka tlanna turin Pathian hnenah thiltih engmah kan hlan thei lo. Isaia chuan, "Mi bawlhhlawh angin kan lo awm ta vek si a, kan felna zawng zawng pawh silhfen bawlhhlawh ang a ni a" a ti a (64:6). Sual reng nei lo Isua Krista nen leh a thihnain ai a awhsakna chauh soal tana inthawina atan pawmin a hmaah min thlen thei a ni. Chu inthawina chu Isuan a hlan a. Pain a lo pawm a. Sual tlanna chu a lo famkim ta tak zet a ni. Belhchhah emaw nuai reh turin emaw tih theih engmah kan nei lo. Pathianin tlang takin kan hnenah a puang a, thil pek beisei leh phut engmah awm lovin, 'I sualte ngaihdam a ni' a ti a" (Mathaia 9:2).

Chanchin Tha hmangin Pathian chuan chhandamna famkim chu misualte hnenah a hlan a. Chu chanchin tha avang bawh chuan Pathian chuan Isua rinna chu thinlungah a siam chhuak a. Chanchin tha avang chuan keimahni nihna dik tak atan hian mi fel Isua chuan a hneh ta a ni. Rinna chu thiltih, Isuan bul a tan a, keinin kan tifamkim ta a ni lo. Rinna chu soal ngaihdamna kan chan tak takna leh Pathian thil pek leh (Pathian thuneihna pek) mi fel Isuan ama nun leh a thihna hmanga a hnehna kan chante hmanga Pathian thilpek hmanrua chu a ni. Paula chuan thu tlar pakhat chauhvin heti hian a kai tawi a: "Rinna avanga khawngaihnaa chhandam in ni. Nangmahni thawh chhuah a ni lova, Pathian thilpek a ni. Thiltih avang a ni love, chutilo chuan miin an chhuang dah ang e" tiin (Ephesi 2:8-9).

Isuan rinnaa min enkawlna hna chu Pathian chauhvin mawh a phur a. Petera min hrilh angin, "Kan Lalpa Isua Krista Pathian leh Pa chu fakin awm rawh se. Ani chuan a khawngaihna nasa tak ang zelin, mitthi zing ata Isua Krista thawhleha avangin beiseinain min hring leh a, ro chan chhe thei lo, vana in tana kheh chu hmuhna turin; chhandamna hun hnuhnungang lang tura peihsa chu hmu turin; rinna avangin Pathian thiltihtheihnaa ven chu in ni (1 Petera 1:3-5).

Rinna hna chu Pathianin keimahniah a thawk tan a, a hnathawh chu a famkim thlengin a thawk dawn a ni. Chatuan nun thlengin min enkawl dawn a ni. Mika hmang hian Pathian i fak ang u: "Nang anga khawlohna ngaidamtu leh a rochan la awm chhun bawhchhiatna kalpeltu Pathian tunge awm? A thinrimna chu kumkhuain a vawng reng lo, khawngaihnaah a lawm em em thin avangin. A hawi kir leh ang a, an chungah khawngaihna a nei ang; kan khawlohnate chu a ke hnuai a rapbet ang, nangin an sualna zawng zawngte chu tuifinriat mawng thuk takahte chuan i paih lut ang" (Mika 7:18-19).

Kan chhandamna avangin Pathian chauh ropui rawh se.

Kan nun tharah pawh Pathian chu mawhphurhna latu a ni (Tihthianglimna a zim zawng)

Kan chhandamna atana mawhphurhna latu chu Pathian a ni tih chu a Chiang hle a. Mahse nun thar kan neih hnua Krista rinnaa kan kal zel dan tur chu engtin nge ni ang? Pathian fate tlanna leh siam tharna atan chuan athen azar tal chu mawhphurhna kan la ve dawn lawm mi? Han tinawn leh ila, Baibul-in Chiang takin a sawi a ni. Nun thara kan kal zelna tur chu a khawngaihnaa mawhphurhna lain min hruai dawn a ni.

A bul tannaah reng pawh Pathianin a thawh loh chuan keimahniah nun thar a awm thei lo. Mitthi kan nih laiin Pathian chuan Kristaah min tinung a ni (Ephesi 2:5). Thlarauva mitdel leh mitthi, Pathian hmelma nihna lak ata ama duhzawng anga ringtua min siam lehtu chu amah chu a ni. Baptismaah chuan suala thiin Kristaah kan nung leh a. Paulan a zia angin, "Chuvangin, a thihnaah baptisma kan chanin a hnena phum vein kan awm; Pa ropuinain mitthi zing ata Kristaa a kaihthawh ang khan keini pawh nun tharin kan awm theih nan" (Rom 6:4).

Pathian chuan ama duhzawng angin min tinung leh a. Pathian chuan ring tura min hip lai khan keimahniah nun thar a siam a, a duhzawngte tithei turin. Philippi 2:13 ah heti hian a sawi a "Ama lawm zawng atana tih tum tur leh bei tura nangmahnia thawktu chu Pathian a ni" tiin.

Pathianin a thupekte zawm duhna leh zawm theihnate min pe a. Kristian chu Pathian duhzawng ti duhtu leh titu a ni a, mahse heng zawng zawng hi Pathian pek a ni. Lazara thlan aṅanga a lo chhuah khan a kal ngei a (Johana 11:43-44), mahse Isuan kaitho lo sela chu kal thei turin a nung lovang. A nih loh vek pawhin Isuan kal theihna pe lo sela chu thlan aṅangin a lo chhuak lovang. Pathianin mawhphurhna a la a, Kristaah chuan thlarauva nung min siamtu a ni. Thinlung thar, duhna thar leh nun thar min petu chu amah a ni. A rawngbawl turin theihna min pe a. Keinin ti mah ila, mawhphurhna latu chu amah a ni. Paula chuan heti hian a ziaa: "Thil ṅa ti atan Krista Isuaah chuan siama awmin ama kut chhuak kan ni si a; chu thil ṅa tih chu kan awmna turin Pathianin a buatsaih lawk a ni" tiin (Ephesi 2:10).

Kristian nuna tihthianglimnaah chuan Kristiante chuan Pathian nen an thawk dun a ni tih Baibulin min zirtir a. Paulan heti hian a ziaa: "Pathian khawngaihna chu sawtpui lova in hmuh lohna turin" tiin (2 Korinth 6:1). Thil pawimawh tak chhinchhiah tur chu, Pathian nen kan thawh dunnaah hian zaa sawmngain kan insem a ni lo tih hi a ni. Aman theihna min pek avang chauhvinn kan thawh dun a ni. Keini Lutheran pawl thupuanah chuan hetiang hian a sawi a:

Thlarau Thianglim: Thu leh Sakramen thianglim hmang a, a hnathawh tlangpui emaw, siam thar lehna hna chu keimahniah a thawh ṅan ve leh Thlarau Thianglim thiltihtheihna hmangin Pathian hna kan lo thawhpui ve thei ta a, mahse chuti chung pawh chuan kan la chak lo

êm êm tho a ni. Chutianga thawh dunna chu kan tisa leh pian ken renga theihna aṅanga lo awm a ni lova, kan pianthar aṅanga keimahnia Thlarau Thianglim hnathawh thiltihtheihna leh thilpek chu a ni. Chu chu Paulan a sawi fiah a: "Pathian hnathawhpuitute kan ni a, Pathian khawngaihna chu sawtpui lova in hmuh loh nan" tiin. Hei hi hriatthiam ṅul tak a ni. Mi piangtharin thil ṅa a tih chu a tam lam emaw, a rei lam emaw pawh nise, Pathian Thlarau awpna leh a hruaina chu titawp vaih sela chu mihring chuan mit khap kar chauh pawh Pathian thu a zawm thei lovang. Mahse hei hi rilruah hriatthiam sa a ni a. Sakawr pahnih chu tawlailir pakhat hnuka an kal dun zel ang hian mi piangthar chu Thlarau Thianglim hruaina ang zelin Pathian thawhpuitu a ni. Hei hi ngaihnepp tur awm miah lo Pathian thudik chu a ni.

Hemi thu khaikhawmna atana thu inmil ber chu hla siamtu thu hman hi a ni:

I hnathawh avang chauhvinn tunah ka piangthar a, keimahah Setana hnathawh chu i thuneihnain i hneh a; i zahngaihna leh i khawngaihna chu tuk tin a thar zel a, ka thinlung lung anga sak hi piangthar thinlungah i chantir a. Lalpa, hlim leh nasa taka lawm turin min chawi kang a. Chhandamnaa min hruaina chu chiang takin min hmuhtir a. Lalpa, ka sualte tlen faina chu ka lawmna a ni. Tunah chuan ka thinlung leh ka thlarauvin sual chu ka ten a. Englai pawha min pui turin i Thlarau min pe la, van kawng chu bosana ka tluk loh nan, ka chak lohnaah hian chakna thar min pe ang che. I rawng ka bawl theih nan min tichak ang che (CW 460:2-4).

Pathian chauhvinn min chhandam a! Nun thara a rawngbawl turin theihna min pe a! Pathian chauh ropui rawh se.

BUNG 3

THIAMCHANTIRNA LEH TIHTHIANGHLIMNA THU KHAIKHINNA

Pathian chuan Isua Krista avangin khawvel pumpui hi mifelah a puang a. Keimahni mimal theuh hian rinnaa kan lo chan theihna turin Krista chuan khawvel pumpui tan eng nge a tih? He thudik hi awlsam tak, rinna avanga khawngaihnaa thiamchantirna thurin hi, "Baibul thurin laimu" an ti a. Nunna thlentu zirtirna leh Baibul zirtirna dang zawng zawng kaihhruaina a ni. Thurin dang zawng zawng inherkualna laimu ber a ni. Formula of Concord chuan heti hian a sawi:

Ngaihdam dilna thu ziaka thiamchantirna thu hi "Kristian thurin zawng zawng zinga a lu ber nihna changtu" a ni a. Mi tumahin chhia leh tha hriatna pachhe tak nen lo chuan thlamuanna an nei thei lo vang a. Krista khawngaihna hausakzia pawh an hre thiam tak tak lo vang. Hemi hrulah hian Dr. Luther a chuan, "He thu ziak malah hian takna a awm chuan, Kristianna ramah pawh takna a awm ang a, inremna nuam tak a awm ang, inthenna reng reng a awm lovang" tiin a puang a.

Thil pawimawh tak hriat reng tur chu, rinna avanga

thiamchantirna chuan, rinna avanga tihthianglimna (tihthianglimna a zim zawng) nun nei turin thiltihtheihna a pe tih hi a ni. Rinna avanga thiamchantirna tel lo chuan rinna avanga tihthianglimna a awm thei lo a ni. Tihthianglimna chu rinna avanga thiamchantirna atanga lo luang chhuak emaw, inngat tlat emaw a ni.

He lehkhabuah hian thiamchantirna thu sawi mawi chiam kan tum lova, hemi kawnga kan tum tak chu thiamchantirna leh tihthianglimna nunte khaikhin a, Kristian nun tihthianglimna chu thiamchantirnaa a inngah dan sawi kan tum a ni.

Kristian nun tihthianglimna thu chhuinaah hian mipuite tan Baibulin a zirtir tihthianglimna (a zim zawng) laka kal pen theihna bul pahnih a awm a. Pakhat chuan misualte chu Pathian hmaa thiam an channa tura anmahni nun thianglimnaa inngah a ni a. Hei hian zirtir a tum chu mipuite chu anmahni thiltiha chhandam nihtir a ni. Kal penna dang pakhat leh chu, Kristian nun chu rinnaa thiamchantirna laka lak hran a ni. A awmzia chu taksa tana thisen tichhuaktu lung ber hlamchhiah ang a ni. Lung ber a chawlh chuan taksa nunna chu a tawp ve nghal a, rinna avanga thiamchantirna tihchakna leh turna tel lo chuan Kristian nun tihthianglimna a awm thei lo.

He bungah hian rinna avanga thiamchantirna leh Krista rin avanga nun thar kal zel dan kan chhui dawn a. A dawt lehah chuan rinna avanga thiamchantirna leh tihthianglimnaa kan nun kal zelte inlaichin dan kan chhui dawn a ni.

KHAIKHINNA 1

Khawi hmunah pawh nise, thiamchantirna chuan Pathian hmaa mite dinhmun inthlakthlengna chu a huap a. Kristian tihthianglimna nun chuan Pathian nena inlaichinna nun leh vengte nena inlaichinna nun inthlakthleng chu a huap a ni.

Thiamchantirna chuan Pathian hmaa mipuite dinhmun inthlakthlengna chu a huap a. Paulan, "Pianken rengah chuan thinurna faa piang reng kan nih kha" a ti a (Ephesi 2:3). A nih dan rengah pawh Pathian beisei ang chu kan ni tawh lo a ni. Khawvelah hian Pathianin a phut felna tel lovin sual leh chakna nen kan lo piang a. Pianken rengah chuan thlarauva mitdel, thi leh Pathian hmelma kan ni a. Chu chu kan ni tin nuna kan thu sawi zawng zawng leh Pathian duh dan kalh zawnga kan ngaihtuahnate hian a tilang chiang hle a ni. Kan tih tura a phutte chu kan ti thei lova, kan tih pawhin kan hmaih pheng phung a. Misualte kan nih ang ngeiin Pathianin tih loh tura a khapte chu tih ngei kan chak tlat a. Kan thiltih sualte chu Pathian hmaah kan dinpui a, thiam loh chantirna chu kan phu tawh reng a ni. Kan thiltithe chuan Pathian a tilawm thei lo va, a thinurna a tireh thei hek lo. Pawnchhe bawlhhlawh chauh lo chu keimahniah hian engmah a awm si lo. Pathian thupek chu kan zawm tak tak thei hek lo. Paulan, "Mi zawng zawngin thil an tisual zo vek tawh a, Pathian ropuina an chang zo ta lo a ni" a ti a (Rom 3:23). Pathian lakah kan hel tawh a, a thinurna leh thiam loh chantirna chauh lo chu engmah phu leh tlakna kan nei lo.

Keimahnia kan tih theih reng reng lohte Kristan min tih sak avang hian Pathian chu engang fakauvin nge kan fak ang? Paula chuan, "Mi zawng zawngin thil an tisual zo vek tawh a, Pathian ropuina an chang zo ta lo a ni, chung ringtute chu Krista Isuaa tlanna awm avang chuan, a khawngaihna athlawna thiamchantirin an awm" a ti a (Rom 3:23-25). Pathianin thiam min chantir a ni. Grik tawnga thiamchantir (dikaioun) tih chu "mi tu emaw thil tisualtu chu thiam chantir a, mi tu emaw mi fel lo chu mi fela pawm" tihna a ni. Pathianin mi felah min puang a ni. Kan pianken renga misual kan nihna hi Pathian hmaah a danglam chuang lo. Ama mit hmuh ngeiah Pathianin mi fela min chhiarna hi eng ber nge lo danglam ta?

Paula chuan thiamchantirna nihphung tak chu hetiang hian a sawi fiah a: "Hna thawk lova, Pathian ngaihsak lo, thiamchantirtu ring zawka rinna chu, ama felnaa ruat a ni" tiin (Rom 4:5). Pathianin misual thiam a chantir. Khawvel hnenah hian, "Fel chu i fel lo ngei a, mahse mi fel angin ka en che a ni" a ti a ni.

Engvangin nge Pathianin hetia a tih? Pathian dik tak chuan mi bawlhhlawh leh misual ni chung reng siin engvangin nge mi fela a chhiar? Thiamchantirna chu, tlanna hna thawk tura lo kal Krista Isuan Pa hmaah tlanna atana inthawina a hlanna zara lo awm a ni tiin Paulan min hrilh a (3:24-25). Pathianin min tlan a ni. Kan sualte avanga tihlungngaihni a awm a. Keini hi kan rulh theih hauh loh rul tura bat neite kan ni a. Mahse Pathianin kan bat chu min rulhsak a. Misualte chu an sualna avanga an chung a rorelnain a phutnaa a rorelnaah chuan a lungawi a. Chumi atan chuan a Fapa neih chhun Isua Krista chu kan sualte tlanna atana inthawina a ni (3:25). Pathian nen "pum khatah" min siam a. Sual vanga hremna chu tuarsakin Pathian thinurna chu a tikiang a. Kawlphe vennain tek tla a hruai peng a, buildingin a him hlauh ang hian, Isua Krista chuan kan sualte avanga thinurna chu amahah a la a, keini hi kan him theih nan.

Hei hi engvangin nge Pathianin a tih? Kan chhuah theihna tura amah nawr thei keimahniah hian a awm em? Awm lo. Mi fela min puantir tura Pathian nawr theitu chu keimahniah emaw, kan nunah emaw hian engmah a awm lo. "A khawngaihna a thlawnin thiam min chantir a ni. Keini hnen atanga thawh engmah a awm lo, Pathianin engkim a ti a ni. A khawngaihna, a hmangaihna phu rual loh leh a zahngaihna avangin amah leh amah a inturlui a ni zawk. Khawngaihnaah chuan kan thiltih engmah a tel lo. Paula chuan, "Khawngaihna avang a nih chuan thiltih avang a ni tawh lo vang. Chuti a nih loh chuan khawngaihna hi khawngaihna a ni tawh lo vang" a ti a (11:6).

Chutichuan thiamchantirna chu thu buai lam emaw, rorelna lam emaw atana hman a ni a. Rorelnaa thu tlukna a ni. An dik lohna chu chiangin thiam loh chang tur ni mahse, thiamchantira chhuahna a ni. Pathian hmaah thil tusual lo an ni lo va, Pathian Fapain an bat a tlaksak vang a ni. Misual chu misual a ni reng a. Thiamchantirna chuan a nihphung a tidanglam chuang lo. Pathian rorelnain a chhuahtirna, Kristan sual man a tlak vang a ni a, an dinhmun chauh thlakthlengna a ni. Krista chuan kan aiawhtu dinhmun aʔangin nun famkimin min nunsak a, kan sual man bat chu kim takin min tlaksak a. Keimahni sual leh kan tih sual chu Kristan a hlan ta a ni. Krista nun famkim leh sual man kim taka a rulhna chu Pathianin kan bat rulhnaah min pawm sak ta a ni. Chutichuan, kan sawi mek felna chu rinna avangin, ram dang mi felna angin Pathianin min pe a ni. Krista chu kan sual khuh bo nan min pe a. Formula of Concord chuan tihian a chhiep a:

Chuvangin khawngaihna avanga felna chu rinna avanga hmuh leh ringtu tanah chuan Krista thuawihna, a tuarna leh a thawhlehnate chu dan kan zawmna leh kan sual man bat tlakna atan a ni, kan chung a lungawina a ni.

He felna hi chanchin ʔha kal tlanga Thlarau Thianghlim leh Sakramen te aʔanga min pek a ni a. Chutiang ringtute chuan Pathian nena inrem lehna, sual ngaihdamna, Pathian khawngaihna, faa vuahnate leh chatuana nun changtu nihnate an neih nan rinnaa lo dawn leh a ʔulna bik atana hman a ni.

Chutiang zelin heta "thiamchantir" ʔawngkam hi mi fel nihna, sual laka zalenna leh Krista rin avanga Pathianin mi fela a pawmna, chatuana hrem tur nihna laka zalenna thu puan chhuahna a ni (Philipi 3:9). Hei hi hman dan tlangpui leh Pathian thu thianghlim Thuthlung Hlui leh Thara a awmzia sawi nana ʔawngkam hman a ni.

Dan hre mite hman dan aia thiamchantirna awmze zau zawk chu Lutheran Pawl Thupuan (Lutheran Confession) ah heti hian a chuang a:

Jakoba chuan thiltih tel lo rinna chauhva chhandam kan ni tih chu hnial pahin a siam ʔha a (Jakoba 2: 24). Rinna leh thiltih avanga thiam chang kan ni a ti a, thiltih avanga piangthar kan ni a tihna chu a ni lo. Kan chung a thinurna a kianna chhan hi Kristan a ʔhen azar, keinin a ʔhen azar kan tih vang a ni tiin a sawi a ni hek lo. Thiamchantirna awm dan a sawi fiah mai a ni lo va, mi thiam chang tawh leh piangthar tawhte awm dan leh nih dan a sawi zawk a ni.

"Thiamchantir" tih chu, misual mifela siam a ni tihna a ni lo va, rorelna dan anga mifela puan a nih thu sawina a ni zawk.

Kristian hlaahte pawh hian thiamchantirna awmzia tak chu fiak taka sawi a ni a:

Aw Krista, keima kraws ni lo i kraws chu

Phurrit rapthlak a ni;

Sual phurrit chu tisaa chang Pathian lo chuan,

Tuman an phur thei lo;

Aw Krista, ka thihna ni lo i thihna ngei chu,

Kan tlanna atan pek a ni.

Man chu a tlak zova.

Keimah anga sang tam tak thite chu

A tlem lutuk zawk a....

Aw Krista, i felna chauhvin misualte

A zalentir thei lova,

Nangmah chauh hi sual laka tlan theitu i ni,

Lalpa ka tlansan ang em? (CW 401:3-5)

Thiamchantirna chuan Pathian hmaa mipuite din hmun inthlakthlengna a huap a. Pathianin ringtu a tihthianghlim chuan

an nihphung reng inthlakthlengna a thleng sak thin. Pathian chuan ringtu chu Kristaa nun thar ang ngeiin a nun tir a. He nihphung inthlakthlengnaah hian chhandamna atan engtikawngmahin an thiltih a tel lova, chu ahnehin Kristian nun thar chu rinna avanga thiamchantirna rah a ni. Paula chuan hei hi thudik a nihzia heti hian a ziak a:

Eng nge kan sawi tak ang le? Khawngaihna chu a pun leh zual theih nan سوالin kan awm reng dawn em ni? Hnai love. Keini soal kawnga thi tawh engtin nge سوالin kan la awm theih cheu vang? Keini zingah Krista Isuaa baptisma chang apiangte chu a thihnaah baptis-in kan awm tih in hre lo emaw ni? Chuvangin a thihnaah baptisma kan chanin, a hnena phum vein kan awm; Pa ropuinain mitthi zing ata Krista a kaihthawh ang khan, keini pawh nun tharin kan awm theih nan. Chuvangin in taksa thi theiah chuan sualnain rorel suh se. In taksa pengte pawh fel lohna hriamhrei atan سوالna hnenah pe phal hek suh u; amaherawhchu mitthi zing ata nung leh angin Pathian hnenah inpe ula, in taksa pengte pawh chu felna hriamhrei atan Pathian hnenah pe phal zawk rawh u. Sualnain in chungah thu a nei dawn tawh si lo, dan rorela awm in ni lova, khawngaihna rorela awm ni zawk si a (Rom 6:1-4,12-14).

Baptisma hmangin Pathianin kan thinlungah rinna a siam a. Suala thi tawh chu Kristaah min tinung leh a. A duhzawng duhpuitu duhna min pe a. Krista tana nung turin thlarau thiltihtheihna min pe a. Ama hmaah felnain min kal theihtir a. Paulan, "Mi tupawh Kristaa a awm chuan thil siam thar a lo ni a. Thil hluite chu an ral ta a, ngai teh u, a lo thar ta" a ti a (2 Korinth 5:17). Keini Lutheran pawl Thupuannaah chuan, hetiang hian Luthera thu chhuak chu kan chham thin a: "Rinna chu keimahnia Pathian hnathawh, Pathianin min tihdanglam a, min thuan tharna a ni a, Adama hmasa tihhlum a, thinlung

lamte, thlarau, rilru leh kan thiltihtheihna zawng zawngahte Thlarau Thianghlimin min hruai a."

Thiamchantirna chu kan din hmun tihdanglamna a ni a. Tihthianglimna chu kan nun inthlakthlengna sawina a ni.

KHAIKHINNA 2

Thiamchantirnaah chuan mihring thiltih chu hnawl a ni a. Kristian nun tihthianglimnaah erawh chuan thil tha tih, Pathianin a tih theihtir chu telh a ni.

Thiamchantirna chu kan dinhmun thlakthlengna a ni a, kan nihphung tihdanglamna a ni lo, thiamchantirna chu Isua Krista thatnaa inngat a ni a, Baibul chuan thil tha tih chu engtikawng mahin kan chhandamna atan a tel lo a ni tih chiang takin a sawi a. Thiamchantirna thu sawinaah chuan, thil tha tih chu telh tur a ni lo. Pathianin kan tana a tih sawina a ni a, keinin Pathian tana kan tih sawina a ni lo. Baibul chuan Pathianin misual thiam a chantirnaah chuan thiltih a sawi tel lo. Paula chuan, "Chutichuan Dan thiltih ni lovin, rinnain miin thiam changin kan ruat a ni" a ti a (Rom 3:28). Hmun dangah chuan, "Khawngaihna avanga rinnaa chhandam in ni, chu pawh chu nangmahnia chhuak a ni lova, Pathian thilpek a ni" a ti a (Ephesi 2:8-9).

Misual thiamchantirna tur sawihonaa mihring thiltih telhtir tuma beihna reng reng chu Pathian lehkhabu zirtirna thu kalhna a ni. Inlungualna dan ziaktu chuan fimkhur tak leh chiang takin a ziak a:

Hetah pawh hian thiamchantirna chu dah that tak tak a nih chuan rinna hmahruaitu leh a hnua zuitute chu thiamchantirna thua hian kan rawlh lutin kan chawhpawlh lo a ni tih hi a bik taka hriat tur a ni a. Chungte chu he thua tul mamawh leh a bung hrang hrang luahtu pawh an ni thei e. Mahse piantharna leh thiamchantirna

hi thil pakhat emaw, tum inang emaw an ni tia kan sawi theih loh vang a ni a. Piantharnain a ken thil zawng zawngte chu a ruala lo thleng an ni lova, thiamchantirna bung hrang hrang lah an ni hek lo. Thiamchantirna atana pawimawh leh mamawh berte chu Pathian khawngaihna, Krista hlutna leh rinna te an ni a. Rinna chu Chanchin Thain pek a tiam Krista felna chu kan felna atana ruatna te, sual ngaihdamna te, Pathian nena inremlehna te, fa nihna te leh chatuan nunna rochungtu nihna te chu lo dawngsawngtu a ni.

Chuvangin Pathian hmaah thiamchantirna hmanga misual chak lote enkawlna hna chu hnuh loh, puan anga tah tel loh leh chawhpawlh loh a nihna turin thiamchantirnaah hian thil tih thate chu hnawl a ni.

Tihthianglimna (a zim zawng) chu, Kristian nuna a thara nunna leh Pathian khawngaihna lo chhan letna a ni a. Pathianin a tihchak ang zelin Kristiante chuan thil tha an ti tur a ni. Paulan thil tha tih thu chu tihian a ziaa: "Thlarau rah erawh chu, hmangaihna te, hlimna te, remna te, dawhtheihna te, ngilneihna te, thatna te, rinawmna te, thuhnuairawlhna te, insumtheihna te a ni zawk e" tiin (Galatia 5:22-23). Heng thiltihte hi tihthianglimna thu sawihonaah chuan an tel a ni. Misual chu Pathian hmaah engtin nge thiamchantir a nih ang tih thuah erawh an tel lo. Sual inpuanna chuan tihian a tarlang a: "Tih thar lehna leh tihthianglimna chu, Krista malsawmna leh Thlarau Thianglim hnathawh chu ni tho mah se, Pathian hmaa thiam channa atan chuan a ni lova, thiamchantirna zuitu a ni zawk. A chhan chu he leiah hian kan thianglim pumhlum dawn lova, khawlohnaa khat kan taksa pawh hi engtikahmah a that famkim dawn loh vang a ni.

KHAIKHINNA 3

Kristaah chuan thiamchantirna chu famkim vek tawh ni

mah se, tihthianglimna nun erawh chu khawvelah hian a famkim thei rih lova.

Thua rawngbawlnaah chuan sual inpuanna neih hnuah inkhawm hruaitu chuan Pathian ngaihdamna famkim chu tihian a han puang a: "Pathian, kan pa vana mi chuan in sual zawng zawngte chu a ngaidam vek tawh a. Kan Lalpa Isua Krista nun famkim leh pawl sawi si lova a thihna te avangin in bawhchhiatnate chu kumkhua atan a la bo tawh si a. A fa duh tak i lo ni ta" (CW phek 38-ah uar taka belh a ni).

Famkimna thua Pathian thu sawi thenkhat te chu a famkim vek tawh tih kan hria a. Mamawh leh belhchhah ngai a awm lo. Krista thihna leh thawhlehaah chuan mi zawng zawng mi fel an ni tiin Pathianin a puang a. Tih zawh tawh diam a ni. Mi zawng zawng tana Pathian ngaihdamna thu puan chu, thlei bik nei lo thutak a ni a. Mite chuan Pathian ring lo mah sela, Pathianin a ngai a, chhandam hlimna erawh an chan thung. Krista hnathawh avanga Pathianin khawvel thiam a chantirna thu tak chu a tidanglam lo. Paula chuan, "Mi thenkhatten rinna nei lo mah sela, engnge maw ti chuang le? An rin lohna chuan Pathian rinawmzia engmah lovah a siam chuang em ni?" a ti a (Rom 3:3-4). A thu leh a thutiamte chu miten ring lo mah sela, Pathian chu a rinawm reng si a. Misualte chuan ring lo mahsela khawvel thiam chantirna chu ataka thil awm reng a ni. Tichuan, thiamchantirna chu a nihphung renga hleih nei lo a ni a, Kristaah chuan hlen chhuah leh tihfamkim a ni.

Isua thiltih chu kan paih then thei lova, kan belh thei bawh hek lo. Pathian chuan khawvel hi Krista thu awihna avangin thiam a chantir a. Lutheran pawl Thu chhamin a sawi angin:

Krista thu awihna chuan a tuarna leh a thihna chauh a huap lova, ama duhthlanna ngei a, dan zawng zawng famkim taka a zawmna chu a huap vek a. Chungte chu, thupek zawng zawng zawm famkim vek tura kan batna

laka min chhandam tura a thiltih leh a tuarna te, a hring nun leh a tuarna zawng zawng a Pa vana mi hnena a hlanna te chu a huap vek a ni.

Kawng danga kan sawi chuan, tihthianglimna chu khawvel dam chhung hian a famkim tak tak thei lo tih Baibulin chiang takin min hrilh a. Paula chu Rom lehkhathawn a ziak aṅang hian Kristian puitling a ni tih a hriat a. Hetih lai hian Lalpa tirhkoh puitling a nih tawh angin vawi thum lai chanchin ṭha hrilin khual pawh a lo zin tawh a. Mahse hetiang hian a la insawi reng a ni: "Keimahah (chu chu ka tisaah tihna a ni) thil ṭha reng a awm lo tih ka hria; thil ṭha tih duhna chu keimahah a awm na a, thil ṭha tihna erawh chu a awm si lo" tiin (Rom 7: 18-19). Famkim lohna hi ṭhang lianin hma a sawn zel thei a. Hei hian Kristian zawng zawngte nun chu tihthianglimna hun a ni tih a lantir a ni.

Thiamchantirna chu Kristaah chuan zawh fel leh famkim tawh a ni a, tihthianglimna erawh chu Kristianteah zawh fel loh leh famkim rih lo a ni. He mite pahnih khaihinna chu:

Thlarau Thianglim hnathawha kan pianthar a, thiam kan channa thu kan zirtir hian pianthar hnuah chuan fel lohna a awm tawh lo kan ti a ni lova, fel lohna chu piangthar tawh leh thiamchantir tawhte pawh nun chhungrilah a la cham bang reng a. Mahse Krista chu a thu awihna famkim nen chuan kan vawn tlat chuan chu chuan kan nihphung sual kan nuna la cham bang zawng zawngte chu a khuh bo ta a ni.

KHAIKHINNA 4

Thiamchantirna chuan mi zawng zawng a huap a, tihthianglimna chuan ringtute chauh a huap.

Luthera chuan Baibulah hian Isua chu Martin Luthera tan a thi a ni tia ziak hmun pakhat awm ta sela, chhandam a nih si

loh chuan a hre chuang lovang a ti a. Chu Baibul chang chu ama chungchang emaw, mi dang a hming anpui chungchang emaw sawina a ni tih pawh a hre lovang. Luthera chuan Isua mi tin tan a thi a ni tih a hriatthiam hnu chuan, Isua chu ama tan ngeia thi a ni tih pawh a hre chiang nghal a. Isua chu tute tana thi nge tih hre chiang lova hnuchhiah kan ni lova. Baibul chuan Isua chu khawvel pumpui leh mi zawng zawng tan a thi a. Johana chuan, "Ani chu kan sualte thupha chawinawina a ni; keimahni sual chauh ni lovin, khawvel zawng zawng sual thupha chawina pawh a ni" a ti a (1 Johana 2:2). Mi zawng zawng tan a thi a ni tih kan hriat chuan, keima tan ngei a thi a ni tih pawh kan hre chiang nghal bawh ang. Hla thu ziaktu aṅang kan sawi thei a:

Lalpa, i thisen hlu chu ka ring e,
Pathian lal ṭhutpah hmaa mi chu;
Englai pawha misualte ngensaktu chu,
Keimah leh kan thlarau sil faina chu (CW 376: 3)

Tihthianglimna chu engti kawng mahin khawvel huap a ni lova. Baibul chuan ring lote chu tihthianglim nunin an nung lo tih chiang takin min hrilh a. Hebrai lehkhah thawn ziaktu chuan tihian min hrilh a: "Rinna lovin ama lawm zawng mi nih rual a ni lo" tiin (Hebrai 11:6). Pathianin rinnaa a hruai luh tawhte chauhvin tihthianglimna nun kawng an zawh thei a ni. Kristian darhte hnenah Peteran heti hian a ziak a: "Nangni pawh lung nungte angin thlarau lam ina rem chhohvin in awm. Isua Krista zara Pathian lawm zawng thlarau lam inthawina hlan turin puithiam thianglimho in lo nih nan (1 Petera 2:5). Ringtu thiltih chu a Fapa felna hmanga a ensak vangin Pathianin a pawm a ni.

KHAIKHINNA 5

Thiamchantirna chuan chhandamna chungchangah chianna min neihtir a, tihthianglimna nun erawh chuan rinna avanga

thiltihte chu a lan chhuahtir ve thung a; mahse, chhandamna famkim tak tak chu a pe thei lo.

Pastor pakhat hian damdawi inah hmeichhe pakhat a en a. Chu hmeichhia chu Cancer natna vei, thih hlauhawm tak zai hmabak a ni a. Pastorin a rawn tlawh hma chuan a hmel hriat thenkhatin an lo kan nual tawh a. Pastor chuan hmeichhia chu thu a han sawi pui a, hmeichhia chuan, "Pastor, lo thi ta ila, van ram kai turin ka rinna hi a dik lo vem ni?" a ti a. Pastor chuan eng vanga chutianga zawt nge a nih tih a zawt a. Hmeichhia chuan a hmaa amah rawn kantute chu van ram kai a inrin tlat avanga thih a hlauh loh thu a hrih a, anni chuan, "Van rama kai tur chu engtin nge i chian theih? Chutiang ni tur khawpin i nun a tha em ni?" tiin an chhang a, hmeichhia chuan chu chu a hre reng a ni.

Pastor chuan zaidam tak, chiang fiah tha tak siin, "Nangma beiseina maia inngkata van ram kai tura i inngaih chuan, engtikah mah van ram chu i thleng thei lovang. Anmahni thiltih avangin mi tumah van ran an kai dawn si lova. Mahse Isua ringtu zawng zawng te chuan chatuan nun an nei a ni tih an inhre chaing thei a. Isuan ngeiin, "Tupawh kei mi ring chu an boral lovang a, chatuanan nun an nei zawk ang" tiin a tiam si a (Johana 3:16).

Kan chhandamna chu kan Chhandamtu hnathawha inngat a nih avangin a thlamuan thlak em em a. Chu chu hla siamtu thu a tangin kan hre thei a:

Isua thisen hlu chauh lo chu,
Beiseina dang reng ka nei lo;
Lal Isua hming chauh lo hi chu,
Hming dang reng chu ka chhuang ngam lo.
Ropui taka i lo kalin,
Aw Lalpa Isu, i hmaan;
I felna ka thumna nise,

Min hnar suh la ka nghak a che.
Krista lungpui ngetah ka ding,
Hmun dang zawng chu tiau dup a ni.

Kristian tihthianglimna nuna hriat chianna pakhat chu, Pathian fate kan nihna hi a ni a. Johana chuan heti hian a ziak a: "Unaute kan hmangaih avangin thihna ata kan chhuak a, nunnaah kan lut tawh tih kan hria e" tiin (1 Johana 3:14). Kristiante thiltih lantirtu chu anmahnia Pathian hnathawh a ni a. Rorelna nia Isuan ringtute rinna tilangtu atana a tarlan tur chu an thiltih a ni (Mathaia 25:34-36). Kristiante tihthianglimna chuan rinna tilangtu thiltihte chu tichhuak mah se, chhandam nih inhriatchianna tak tak a thlen thei lo reng reng a ni. Heng thiltihte hi keimahniah Pathianin a thawh ngei a ni tih min hriat chhuahtirtu a ni a. Heng thiltihte hian englaimahin min chhandam thei lo. Krista hnathawh chauhvin min chhandam thei a ni.

A hnuaiah hian thiamchantirna leh tihthianglimnate chu khaikhin a ni:

KHAIKHINNA	
THIAMCHANTIRNA	TIHTHIANGHLIMNA
Pathian hmaa din hmun danglamna	Thinlung leh nuna danglamna
Mihring thiltih zawng zawng hnawl	Thil tha tih a huap
Kristaah hlen chhuah leh tihfamkim a ni	Khawvelah famkim leh hlen chhuah a ni lo
Mi zawng zawng a huap	Ringtuteah chauh a ni
Chhandamnaah chianna famkim min pe	Rin vanga thiltihte a pe chhuak a, mahse chhandamnaah chianna tak tak a pe lo